

# Ta'iala Fa'asinoina o Tui Puipui o le Booster o le KOVITI-19 mo Tagata Uma



O oe ma lou alo ua mae'a tui puipui o le ulua'i fa'asologa o tui o le KOVITI-19 e puipuia oe ma isi mai ma'i tigaina, fa'ata'otolia ai i le falema'i, poo le maliu foi i le KOVITI-19. Ua fa'ailoa mai i su'esu'ega e ui i le tumau ai o le aoga o vailaau o le KOVITI-19, e fa'asolosolo lava ina fa'aitiitia puipuiga i le alua'iga o taimi.

***O le taimi lenei, o le faia o tui o le booster o le auala pito sili lea ona aoga ma tumau ai pea ona fa'aauauina lenei puipuiga.***

Siaki le siata o loo i lalo pe ua agavaa oe poo lou alo mo se tui poo ni tui puipui o le booster o le KOVITI-19.\*

	O ai e agavaa?	O afea e tatau ona faia ai lo'u tui puipui o le booster?	E mafai ona faia so'u tui lona lua o le booster?	O le a ituaiga tui o le booster e tatau ona faia?
<p>Afai ua maua... <b>Pfizer</b></p>	O tamaiti uma e <b>5 tausaga</b> aga'i luga e tatau ona faia a latou tui o le booster ina ia fa'afouina ai pea.	Ia le itiiti ifo ma le <b>5 masina</b> talu ona mae'a le fa'asologa o tui muamua o le Pfizer.	O tagata uma e 50 tausaga aga'i i luga e tatau ona faia se tui lona 2 o le booster pe tusa o le <b>4 masina</b> ina ua mae'a le tui muamua (1) o le booster.	<p><b>0 tagata matutua e 18 tausaga</b> aga'i i luga e mafai ona faia se tui o le booster o soo se vailaau o le mRNA KOVITI-19.</p> <p><b>0 tamaiti e 5-17 tausaga</b> e tatau ona faia se tui o le booster o le Pfizer.</p>
<p>Afai ua maua... <b>Moderna</b></p>	O tagata matutua e <b>18 tausaga</b> aga'i luga e tatau ona faia a latou tui o le booster ina ia fa'afouina ai pea.	Ia le itiiti ifo ma le <b>5 masina</b> talu ona mae'a le fa'asologa o tui muamua o le Moderna.	O tagata uma e 50 tausaga aga'i i luga e tatau ona faia se tui lona 2 o le booster pe tusa o le <b>4 masina</b> talu ona mae'a le tui muamua (1) o le booster.	O se tui o le booster o soo se vailaau o le mRNA KOVITI-19.
<p>Afai ua maua... <b>Johnson &amp; Johnson</b></p>	O tagata matutua e <b>18 tausaga</b> aga'i luga e tatau ona faia a latou tui o le booster ina ia fa'afouina ai pea.	Ia le itiiti ifo ma le <b>2 masina</b> talu ona mae'a le fa'asologa o tui muamua o le J&J.	O tagata uma e 50 tausaga aga'i i luga ma i latou sa fai o latou ulua'i tui puipui ma tui o le booster i le J&J e tatau ona faia se tui lona 2 o le booster pe tusa o le <b>4 masina</b> talu ona mae'a le tui muamua (1) o le booster.	O se tui o le booster mai soo se vailaau o le mRNA e sili atu i lo le tui o le booster muamua (1) o le J&J. O le tui lona 2 o le booster e tatau ona faia i soo se vailaau o le mRNA KOVITI-19.
<p>Afai ua maua... <b>Novavax</b></p>	Afai sa faia sau tui o le Novavax mo lau ulua'i fa'asologa o tui puipui, e te le agavaa mo se tui o le booster o soo se ituaiga fa'amaketi i lenei taimi.			

*O ta'iala o le a fesuisuia'i, pe afai e vaivai pe matuā ogaoga aafiaga o lou immune system.*

\*O tagata sa aafia talu ai nei i le SARS-CoV-2 e ono mafaufau e **fa'atuai ona faia a latou tui muamua o le booster poo le lua o le KOVITI-19 i le 3 masina mai le amataga o auga poo le aafia ai i le fa'ama'i (pe afai o aafiaga e leai ni fa'ailoga vaaia). Ua fa'ailoa mai i su'esu'ega (i le Igilisi) o le fa'aopoopoina ai o le taimi i va o aafiaga i le fa'ama'i ma tuiga e ono avea ma tulaga e fa'aleleia le tali mai o vaega puipui (immune) i tuiga. O le isi foi mea, ua matauina le tulaga maualalo o le toe aafia ai e pei ona mata'ituina i vaiaso aga'i i masina ina ua mae'a aafiaga muamua. O vaega ta'itasi e pei o aafiaga tuga o le KOVITI-19 ma'i tigaina (i le Igilisi), i le KOVITI-19 i totonu o nuu (i le Igilisi), poo foliga vaaia o le malos o le ituaiga o le SARS-CoV-2 e tatau ona amana'iaina ma mafaufau iai pe a fuafua e fa'atuai ona faia se tui o le booster i le mae'a ai o aafiaga.**

# Fesili Masani o Tui Puipui o le Booster mo le KOVITI-19

## O le a le taua o tui puipui o le booster?

O tui puipui o le booster o le a fesoasoani i le fa'aaauina o puipuiga mai fa'ama'i ogaoga. Sa fautuaina le faia o tui puipui o le booster i le taimi ua mavae mo na'o se vaega o tagata e maualuga le tulaga lamatia o aafiaga ogaoga o le KOVITI-19, ae peitai, o lenei fautuaga ua fa'alateleina ina ia aofia ai tagata uma mai tamaiti 5 tausaga ma sili atu le matutua o e sa faia o latou ulua'i tui puipui fa'asolo i tui o le Pfizer. Ina ia fesoasoani atili i puipuiga mai le fa'ama'i o le KOVITI-19. O nisi o vaega, e pei o tagata e feololo pe ogaoga aafiaga o o latou immune system, e ono mana'omia le faia o tui fa'aopoopo e fa'amalosia ai vaega puipui o o latou tino. E pito i sili ona taua lenei tulaga ona o le fa'atuputupulaia pea o ituaiga eseese o le vairasi ma tagata aafia i le KOVITI-19 ua fa'ateteleina i totonu o le Iunite Setete.

## Afai e mana'omia tui puipui o le booster, o lona uiga e le o aoga vailaau tui?

Leai. O tui puipui o le KOVITI-19 o loo iai nei i le U.S. o loo aoga lelei e puipuia ai ma'i tigaina, taofia i falemai, ma le maliu ai, e oo i le tetee atu i isi ituaiga o fa'ama'i pipisi. Ae ui i lea, o loo vaaia pea e tagata tomai o le soifua maloloina ua faaititia puipuiga e tetee atu ai i tulaga o le vaivai ma feoloolo o ma'i o le KOVITI-19, aemaise lava i vaega o tagata e maualuga le tulaga lamatia o o latou soifua.

## O a mea e tatau ona ou aumaia mo le faia o se tui o le booster i se aso fa'atulagaina?

[Fa'amolemole ia tauaaina lau pepa tui puipui poo le pepa tui a lou alo](#) i le aso fa'atulagaina o le faia o le booster ina ia fa'amautinoa ai e le vaega e faia tui ua mae'a le fa'asologa o tui muamua. Afai e lē o ia te oe lau pepa, e mafai ona su'eina e le vaega e faia tui ou faamaumauga.

## O le a le eseese o le tui puipui fa'aopoopo ma le tui puipui o le booster?

O le tui fa'aopoopo e mo i latou e vaivai le malosi o le tino, ua mae'a ona faia tui puipui e 2 o fa'asologa o tui o le mRNA (Pfizer poo le Moderna) ae e le'i iloga ona malosi le tali atu o vaega puipui o le tino.

O le tui puipui fa'aopoopo e uunaia le malosi e fa'amalosia atili pe toe tuuina atu puipuiga mo i latou ua fa'aititia le malosiaga o le puipuiga mai ulua'i tui puipui fa'asolo.

## Fa'amata e taua le ituaiga fa'amaketi o tui o le booster?

E mafai ona eseese ituaiga vailaau o le tui puipui e fai ai lou tui o le booster ma le ituaiga vailaau o le tui puipui lea sa fai ai lou tui puipui i le ulua'i fa'asologa o tui pe afai e 18 ou tausaga pe matua atu ma sa faia sou tui o le Johnson & Johnson poo tui e lua o le mRNA mo lau ulua'i fa'asologa o tui puipui. Ua faia e le Centers for Disease Control and Prevention (CDC, Nofoaga 'Autu o le Puleaina ma Puipuiga o Fa'ama'i) la latou fa'aiuga ina ua mae'a ona iloiloina ma le fa'aetete fa'amatalaga ma fa'amaumauga lata mai (tui fefiloi ma tui e tutusa o le booster o le Moderna, Johnson & Johnson), ma fa'atalatalanoaga mausali i manatu autu e fa'atatau lea i tui o le booster. E le o iai se tui o le booster mo le Novavax e fautuaina, ma e le tatau ona faia fa'atasi pe fa'afetaui ma isi tui o le KOVITI-19. **Ua na o tagata e 17 tausaga ma laiti ifo e ono mafai ona faia tui puipui o le booster i tui o le Pfizer pe afai sa faia o latou ulua'i tui fa'asolo i tui puipui o le Pfizer.**

## E fa'afefea ona iloa se tagata ua mae'a uma ona tui puipui?

O oe poo lou alo o loo **atoatoa tui puipui** i le lua vaiaso talu ona maua tui fautuaina i le fa'asologa muamua o tui puipui o le KOVITI-19.

O oe poo lou alo o loo **fa'afouina** tui puipui o le KOVITI-19 i tui puipui uma o le ulua'i fa'asologa o tui ma [tui fautuaina uma o le booster](#) (i le Igilisi) e agavaa i le taimi na maua ai.

## E mafai ona fai le tui puipui o le booster fa'atasi ma isi tui, e pei o le fulu?

Ioe. E mafai ona fai lou tui puipui poo le tui puipui o lou alo o le KOVITI-19 fa'atasi ma isi tui puipui i le taimi e tasi. E lē mana'omia le fa'atulagaina o le aso o lou alo [e fai ai le tui puipui e tatau mo le a'oga](#) (i le Igilisi) po o isi tui puipui fautuaina e ese mai tui puipui o le KOVITI-19. O le faia o se aso fa'atulagaina mo tui puipui o le KOVITI-19 o se isi avanoa lea e maua ai e oe poo lou alo tui fautuaina uma.

**E iai nisi fesili? Asiasi i le:**  
[\*\*doh.wa.gov/covidbooster\*\*](https://doh.wa.gov/covidbooster)